

Novi projekt Tvornice kisika Messer BH

Tečni kisik za Fabriku vode u Brčkom

Jedina bh. tvornica kisika, pogon Messera u Zenici uspostavio je saradnju sa Fabrikom vode u Brčkom, kojoj će osigurati tečni kisik za potrebe prečišćavanja vode iz rijeke Save, potvrdili su „Dnevnom avazu“ u kompaniji Messer BH.

Fabrika je puštena u probni rad, a imat će kapacitet od 330 litara u sekundi. Pogon će prerađivati savsku vodu za potrebe gradskog i prigradskog stanovništva te lokalne industrije.

Ova važna investicija u industrijske kapacitete vrijedna je 20 miliona maraka, a građanima Brčkog i okoline uskoro će biti dostupne dovoljne količine kvalitetne vode za piće. Kako bi proizvodni sistem u cijelosti bio zaokružen, Fabrici u Brčkom bio je neophodan tečni kisik, koji se koristi kao jedan dio tehnološkog procesa za prečišćavanje savske vode. Znajući da je Messer u BiH vodeći proizvođač i snabdjevač ovim dragocjenim plinom, potpisan je ugovor o isporuci tečnog kisika - rečeno nam je u Messeru. *A. Dž.*



Messer BH: Investicija vrijedna 20 miliona KM

Uspjeh u Rudniku Kreka Tuzla Iskopana milionita tona uglja

Rudari Kreke Tuzle jučer su iskopali milionitu tonu uglja. Isporučka uglja odvija se prema utvrđenom planu, a za potrebe Termoelektrane Tuzla, koja je, inače, najveći potrošač, do sada je isporučeno 917.000 tona.

I pored teških vremenskih prilika koje su nas zadesile u posljednje vrijeme te sve većeg utjecaja recesije na BiH, Rudnik Kreka i da-

lje ostaje u proizvodnji uglja u BiH. Ovaj poslovni uspjeh rezultat je zalaganja rudara i menadžmenta Rudnika - naglasio je direktor Rudnika Rešad Husagić.

U svim Krekinim rudnicima u proteklom periodu poboljšani su svi segmenti rada, što, također, doprinosi činjenici da je Kreka već godinama najveći proizvođač uglja u BiH, javlja Fena.

Sindikata Komrada o strateškom partneru Otkupit ćemo sami sebe

Sindikata firme Komrad iz Zenice saopćio je, povodom najavljenog ulaska Almy Transpota kao strateškog partnera u ovo preduzeće, da je došlo vrijeme da 74 zaposlenika Komrada osnuju vlastitu narodnu kuhinju, koju će nazvati prema strankama u općinskoj vlasti, javlja Fena.

Ako ste mislili da Komrad prodate za jednu maruku, obavještavamo vas da smo i mi sakupili tu jednu

KM i da smo spremni sami sebe otkupiti. Sami ćemo sebe zaposliti, jer nam je to prioritet. Ako treba potpisati da ćemo platiti sve dugove Komrada, i to ćemo učiniti čim nam uplatite tri miliona KM koje smo ostavili u amanet na obećanje da ćete revitalizirati firmu - navedeno je u saopćenju Sindikalnog odbora Komrada naslovljenog na vladajuće općinske strukture.